

# Službene novine Federacije BiH, broj 31/22

Na osnovu čl. 31. i 37. Zakona o izvršavanju Budžeta Federacije Bosne i Hercegovine za 2022. godinu ("Službene novine Federacije BiH", broj 25/22), Vlada Federacije Bosne i Hercegovine, na 312. sjednici, održanoj 21.04.2022. godine, donosi

## ODLUKU

### **O USVAJANJU PROGRAMA UTROŠKA SREDSTAVA TEKUĆIH TRANSFERA UTVRĐENIH BUDŽETOM FEDERACIJE BIH ZA 2022. GODINU FEDERALNOM MINISTARSTVU RAZVOJA, PODUZETNIŠTVA I OBRTA**

#### **I.**

(1) Usvaja se Program utroška sredstava tekućih transfera utvrđenih u razdjelu 50. Budžeta Federacije Bosne i Hercegovine za 2022. godinu ("Službene novine Federacije BiH", broj 25/22), Federalnom ministarstvu razvoja, poduzetništva i obrta (u daljnjem tekstu: Program).

(2) Program iz stava (1) ove tačke je sastavni dio ove odluke.

#### **II.**

(1) Ukupan iznos finansijskih sredstava namijenjenih za realizaciju Programa u iznosu 7.870.000,00 KM je osiguran Budžetom Federacije Bosne i Hercegovine za 2022. godinu i nalazi se na razdjelu 50. Budžeta Federacije Bosne i Hercegovine za 2022. godinu, Federalnom ministarstvu razvoja, poduzetništva i obrta i isplatit će se korisnicima kao bespovratna (grant) sredstva.

(2) Finansijska sredstva iz stava (1) ove tačke raspodjeljuju se po ekonomskim kodovima i projektima utvrđenim u Programu, javnim konkursom i Pravilnikom o postupcima u provođenju Programa razvoja male privrede ("Službene novine Federacije BiH", br. 50/13, 55/13isp i 86/13) (u daljnjem tekstu: Pravilnik).

(3) Za svaki izdatak sredstava po projektima iz Programa, federalni ministar razvoja, poduzetništva i obrta (u daljnjem tekstu: Ministar) donosi posebne odluke u skladu sa ovom odlukom.

(4) Sredstva iz stava (1) ove tačke s ekonomskog koda 614500 - Subvencije privatnim preduzećima i poduzetnicima predstavljaju državnu pomoć male vrijednosti i dodjeljivat će se u skladu sa čl. 68. - 70. Uredbe o namjeni, kriterijima i uslovima za dodjelu državne pomoći u Federaciji Bosne i Hercegovine ("Službene novine Federacije BiH", broj 99/13).

#### **III.**

(1) Za dodjelu sredstava iz stava (2) tačke II. ove odluke, Federalno ministarstvo razvoja, poduzetništva i obrta raspisuje javni konkurs za svaki projekt utvrđen Programom, izuzev Projekta pod rednim brojem 2.3. "Poticaj održivosti rada obrtničkih komora kantona" i Projekta pod rednim brojem 4.1. "Subvencije privatnim preduzećima i poduzetnicima - Regresiranje kamata - Garancijski fond". Javni konkurs se objavljuje u "Službenim novinama Federacije BiH", na web stranici Federalnog ministarstva



razvoja, poduzetništva i obrta i u najmanje dvoje dnevne novine dostupne na teritoriji Federacije BiH.

(2) Za projekt pod rednim brojem 2.3. "Poticaj održivosti rada obrtničkih komora kantona" sredstva potpore će biti doznačena posebnom odlukom koju donosi Ministar, na osnovu zahtjeva Obrtničke komore Federacije Bosne i Hercegovine, a nakon što prihvati ponuđeni program prevazilaženja ograničenja u radu navedenih kantonalnih komora.

(3) Za projekt pod rednim brojem 4.1. "Subvencije privatnim preduzećima i poduzetnicima - Regresiranje kamata - Garancijski fond", sredstva poticaja će biti doznačena korisnicima kredita po kreditno-garantnim programima ovoga ministarstva i to po automatizmu ukoliko su uredno izmirili dotadašnje obaveze po kreditima.

(4) Ministar imenuje komisiju za izbor korisnika sredstava, koja će sačiniti Smjernice za podnositelje projektnih prijedloga i vršiti izbor korisnika sredstava u skladu sa tačkom II. ove odluke. Rezultati konkursa objavljuju se u "Službenim novinama Federacije BiH" i na web stranici Federalnog ministarstva razvoja, poduzetništva i obrta.

#### IV.

Nadzor i provjeru namjenskog trošenja sredstava od strane korisnika sredstava vršiti će Komisija za nadzor, koju imenuje Ministar, u skladu s odredbama Pravilnika.

#### V.

O utrošenim sredstvima iz tačke II. ove odluke Federalno ministarstvo razvoja, poduzetništva i obrta će izvijestiti Federalno ministarstvo finansija - Federalno ministarstvo financija, a Federalno ministarstvo finansija - Federalno ministarstvo financija Vladu Federacije Bosne i Hercegovine u skladu sa Zakonom o budžetima u Federaciji Bosne i Hercegovine.

#### VI.

Ova odluka stupa na snagu narednog dana od dana objavljivanja u "Službenim novinama Federacije BiH".

V. broj 553/2022  
21. aprila 2022. godine  
Sarajevo

Premijer  
**Fadil Novalić**, s. r.

BOSNA I HERCEGOVINA FEDERACIJA BOSNE I HERCEGOVINE FEDERALNO MINISTARSTVO RAZVOJA, PODUZETNIŠTVA I OBRTA

### PROGRAM UTROŠKA ZA 2022. GODINU April 2022. godine

#### UVOD

Imajući u vidu da je malo i srednje poduzetništvo pokretačka snaga na putu razvoja privrede Federacije BiH, Federalno ministarstvo razvoja, poduzetništva i obrta (u daljnjem tekstu: Ministarstvo) i u 2022. godini planira, putem Programa utroška, realizovati niz aktivnosti s ciljem unaprjeđenja razvoja sektora male privrede.



Ciljevi navedenog programa su jačanje konkurentnosti subjekata male privrede putem razvoja poslovne infrastrukture, a posebno kroz tehnološku modernizaciju njihovih poslovnih procesa, uvođenje međunarodnih standarda kvalitete, digitalne transformacije u poslovanju, cirkularne ekonomije i poboljšanje energijske efikasnosti u skladu s tranzicijom ka zelenoj i digitalnoj ekonomiji. Rezultat provođenja planiranog Programa utroška bi trebao biti povećanje ukupnih prihoda sektora, povećanja zaposlenosti, povećanja izvoza, pokretanje inovativnih start-up-a, uspostava koherentnijeg razvoja poduzetništva, odnosno povećanja konkurentne sposobnosti MSP-a.

U okviru programa utroška dodjelom grant sredstava planiraju se sufinansirati projekti podrške razvoju poslovne infrastrukture, kao i različiti projekti pomoći uspostave i rasta malih i srednjih preduzeća.

Realizacija projekata poduzetničke infrastrukture, kao bitnog faktora za stvaranje povoljnog poslovnog ambijenta, će omogućiti rast i razvoj subjekata male privrede i otvaranje novih radnih mjesta. U proteklom periodu ostvareni su značajni rezultati u poduzetničkim zonama koje su koristile poticajna sredstva što je znatno doprinijelo poboljšanju uslova poslovanja postojećih privrednih subjekata u poduzetničkim zonama, kao i stvaranju uslova za privlačenje novih investitora. Najvažniji indikatori realizovanih projekata u posljednjih nekoliko godina su preko 110 novih privrednih subjekata, kao i preko 2970 novih radnih mjesta u podržanim poduzetničkim zonama, a rast ovih parametara je prisutan i kroz projekte poticaja ostalim oblicima poslovne infrastrukture.

Planirani projekti podrške MSP-ima, tj. sufinansiranje njihovih projekata, imaju za cilj pomoć u prevazilaženju problema poslovanja novoosnovanih firmi, kao i povećanje konkurentnosti privatnih preduzeća koja su već prisutna na domaćem i inozemnom tržištu. Pozitivan utjecaj koji je prerađivački sektor imao na privredu u BiH u godinama prije krize ugrožen je zbog pandemije COVID-19. Stoga je poseban fokus usmjeren pružanju podrške MSP-a koji posluju u području prerađivačke industrije, putem integrisanog paketa podrške kako bi se kroz jačanje njihovih kapaciteta omogućio kontinuitet i unaprjeđenje poslovnih aktivnosti. Projekat podrške proizvodnom sektoru MSP-a i ove godine provodimo uz pomoć Svjetske banke. Prošle godine ministarstvo je zaprimilo velik broj prijavi, a finansijskih sredstava je bilo dovoljno za nešto manje od 60% kvalitetnih projekata tj. 81 podržanih MSP-a. Ova preduzeća bi nakon realizacije ugovornih obaveza trebala zaposliti 263 nova radnika uz zadržavanje broja postojećih radnika. Podrška obrtnicima, ove godine, je planirana kroz projekte pomoći starim i tradicionalnim zanatima i obrtima i srodnim djelatnostima. Zbog nedostatka finansijskih sredstava poticaji za obrte i srodne djelatnosti će se realizovati na način da su kategorije korisnika sredstava podijeljeni u skladu sa šiframa djelatnosti na tri približno ista skupa po brojnosti. Analogno navedenom, sve djelatnosti ponaosob će moći aplicirati za poticaje jedanput u tri godine odnosno u skladu sa navedenom dinamikom.

Projekat regresiranja kamata za subjekte male privrede koji su korisnici kredita putem dva programa u okviru Kreditno garantnog fonda (za MSP kao i za obrtnike i ostale samostalne privredne djelatnosti), se planira i ove godine nastaviti provoditi obzirom na pozitivna iskustva iz prethodne godine, kada je on startovao.

Zakonski osnov za izradu Programa utroška je sadržan u sljedećim pravnim aktima:

- Zakon o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06);
- Zakon o poticanju razvoja male privrede ("Službene novine Federacije BiH", br. 19/06 i 25/09);
- Zakon o obrtu i srodnim djelatnostima u Federaciji BiH ("Službene novine Federacije BiH" br. 75/21);
- Zakon o izvršavanju Budžeta Federacije Bosne i Hercegovine za 2022. godinu ("Službene novine Federacije BiH", broj --/22);
- Pravilnik o postupcima u provođenju Programa razvoja male privrede ("Službene novine Federacije BiH", br. 50/13, 55/13isp i 86/13);
- Uredba o načinu finansiranja i upravljanja Garancijskim fondom ("Službene novine Federacije Bosne i Hercegovine", broj 44/20);
- Budžet Federacije Bosne i Hercegovine za 2022. godinu ("Službene novine Federacije BiH", broj --/22).

Analizirajući navedene statističke podatke o stanju MSP sektora u Federaciji BiH, kao i dosadašnje programe utroška, a vođeni željom da ambijent za razvoj male privrede učinimo što ugodnijim, te potaknemo osnivanje novih subjekata, kao i rast i razvoj postojećih subjekata, raspodjela poticajnih sredstava će se realizovati kroz sljedeće projekte:

**1. EKONOMSKI KOD 614100 - Tekući transferi drugim nivoima vlasti i fondovima 2.000.000,00 KM 1.1. Naziv projekta:  
Izgradnja poduzetničkih zona 1.850.000,00 KM Svrha projekta**

**Izgradnja nove i unapređenje postojeće komunalne infrastrukture u poduzetničkim zonama Federacije Bosne i Hercegovine, tamo gdje ista predstavlja prepreku razvoju poduzetništva, kao i unapređenje usluga za upravljanje razvojem poduzetničkih zona u Federaciji Bosne i Hercegovine.**

**Kriteriji za raspodjelu sredstava**

**Kvaliteta projekta, izvori - način finansiranja, broj aktivnih korisnika zone, broj zaposlenih u zoni, trend privlačenja investitora u posljednje tri godine, stepen aktivne iskorištenosti zone, ravnomjerniji regionalni razvoj (stepen razvijenosti JLS), poticaji Federalnog ministarstva razvoja, poduzetništva i obrta (u daljnjem tekstu: Ministarstvo) u zadnjih pet (5) godina.**



## Kategorija korisnika sredstava

Općine i gradovi u Federaciji Bosne i Hercegovine.

1.2. Naziv projekta: Izrada dokumentacije za uspostavljanje poduzetničke zone 150.000.00 KM Svrha projekta

Podrška jedinicama lokalne samouprave u Federaciji Bosne i Hercegovine pri izradi dokumentacije za uspostavu i razvoj poduzetničkih zona.

Kriteriji za raspodjelu sredstava

Kategorija korisnika sredstava

Općine i gradovi u Federaciji Bosne i Hercegovine.

2. EKONOMSKI KOD 614300 - Tekući transferi neprofitnim organizacijama 200.000.00 KM 2.1. Naziv projekta:  
Unapređenje institucijske poduzetničke infrastrukture 100.000.00 KM<

Uređenje i opremanje prostora za prihvatanje malih i srednjih poduzetnika, odnosno poduzetnika početnika; razvoj poduzetničkih potpornih institucija (poduzetničkih centara, poduzetničkih inkubatora, tehnoloških parkova akceleratora, klastera i razvojnih agencija); unapređenje učinkovitosti proizvodnje i proizvodnih procesa na tržištu malih i srednjih preduzeća umreženih u klaster; privlačenje investicija i stvaranje mogućnosti za otvaranje novih radnih mjesta; sufinansiranje odobrenih EU projekata koji podržavaju razvoj poduzetništva.

Kriteriji za raspodjelu sredstava

Namjena projekta, izvori - način finansiranja, broj članova klastera odnosno broj MSP-a u inkubatoru ili tehnološkom parku, ravnomjerniji regionalni razvoj (stepen razvijenosti JLS), poticaji Ministarstva u posljednjih pet (5) godina.

Kategorija korisnika sredstava

Korisnici sredstava su poduzetničke potporne institucije s područja Federacije BiH (poduzetnički inkubatori, tehnološki parkovi, akceleratori, poduzetnički centri, klasteri i razvojne agencije) koje imaju najmanje 1 (jednog) zaposlenog na neodređeno vrijeme.

2.2. Naziv projekta: Poticaj udruženjima, komorama 70.000,00 KM Svrha projekta

Razvoj i afirmacija poduzetništva i obrta, interesno umrežavanje poduzetnika i obrtnika, organizovano zastupanje interesa poduzetnika i obrtnika na zajedničkom tržištu, opstanak i razvoj komorskog sistema u Federaciji BiH, edukacija članova komore i udruženja, organiziranje zajedničkih nastupa na sajmovima, promocija poduzetništva, sufinansiranje odobrenih EU projekata koji podržavaju razvoj poduzetništva.

Kriteriji za raspodjelu sredstava

Namjena projekta, izvori - način finansiranja, broj članova udruženja i komora, organiziranost udruženja i komora, ravnomjerniji regionalni razvoj (stepen razvijenosti JLS), poticaji Ministarstva u posljednjih pet (5) godina.

Kategorija korisnika sredstava

Udruženja poduzetnika i obrtnika i komore koji svojim projektima promoviraju i potiču razvoj poduzetništva i obrta u Federaciji Bosne i Hercegovine i imaju najmanje 1 (jednog) zaposlenog na neodređeno vrijeme. Udruženja poduzetnika i obrtnika koji su korisnici poticaja Ministarstva u 2021. godini nemaju pravo korištenja sredstava ovog projekta u 2022. godini.



**2.3. Naziv projekta: Poticaj održivosti rada obrtničkih komora kantona 30.000,00 KM Svrha projekta:**

Opstanak obrtničkih komora kantona i osiguranje kontinuiteta rada u cilju interesnog umrežavanja poduzetnika i obrtnika, organiziranog zastupanje interesa poduzetnika i obrtnika; opstanaka i razvoja komorskog sustava.

**Kriteriji za izbor projekta:**

Sadržaj ponuđenog programa prevazilaženja ograničenja u radu kantonalnih obrtničkih komora

**Korisnici sredstava:**

Obrtničke komore: Bosanskohercegovačkog kantona, Posavskog kantona, Zapadnohercegovačkog kantona i Hercegbosanskog kantona.

**3. EKONOMSKI KOD 614500 - Subvencije privatnim preduzećima i poduzetnicima 4.670.000,00 KM 3.1. Naziv projekta: Poticaj za opstanak tradicionalnih i starih obrta 200.000,00 KM**

Očuvanje obrtničke tradicije, kulturnog i historijskog nasljeđa poticanjem tradicionalnih i starih obrtničkih djelatnosti kroz sufinansiranje troškova nabavke opreme i repromaterijala, poboljšanje uslova rada u radionici i obrazovanja i stručnog osposobljavanja zaposlenih.

**Kriteriji za raspodjelu sredstava**

Namjena ulaganja sredstava, vrsta djelatnosti, izvori - način finansiranja, broj zaposlenih, pripadnost ciljnoj skupini, ravnomjerniji regionalni razvoj (stepen razvijenosti JLS), poticaji Ministarstva u posljednjih pet (5) godina.

**Kategorija korisnika sredstava**

Obrtnici kojima je rješenje o registraciji donijelo nadležno općinsko/gradsko tijelo, a koji obavljaju djelatnost u skladu s Uredbom o zaštiti tradicionalnih i starih obrta ("Službene novine Federacije BiH", br. 66/09, 38/10 i 16/12) i koji su registrovani najkasnije do 31.12.2020. godine. Svi korisnici sredstava moraju imati sjedište na području Federacije BiH, te imati najmanje 1 (jednog) zaposlenog na neodređeno vrijeme.

**3.2. Naziv projekta: Poticaj za razvoj obrta i srodnih djelatnosti 710.000,00 KM Svrha projekta**

Poticanje razvoja obrta i srodnih djelatnosti kroz sufinansiranje troškova nabavke opreme potrebne za proširenje i osavremenjivanje proizvodnje, s ciljem unapređenja obrtništva odnosno povećanja kvaliteta proizvoda i rasta zaposlenosti, pružanje mentoring usluga.

**Kriteriji za raspodjelu sredstava**

Namjena ulaganja sredstava, vrsta djelatnosti, izvori - način finansiranja, povećanje zaposlenosti, broj zaposlenih, pripadnost ciljnoj skupini, ravnomjerniji regionalni razvoj (stepen razvijenosti JLS), poticaji Ministarstva u posljednjih pet (5) godina.

**Kategorija korisnika sredstava**

Obrtnici koji su registrovani u skladu sa Zakonom o obrtu i srodnim djelatnostima ("Službene novine Federacije BiH", br. 35/09 i 42/11) i Zakona o obrtu i srodnim djelatnostima u Federaciji Bosne i Hercegovine ("Službene novine Federacije BiH", br. 75/21) iz sljedećih područja Klasifikacije djelatnosti Bosne i Hercegovine - KD BiH 2010 ("Službeni glasnik BiH", broj 47/10):

- C - prerađivačka industrija (osim oblasti C-10, C-23, C-25 i C-32),
- F - građevinarstvo i



- G - samo razred 45.2 popravak motornih vozila i motocikala.

Svi korisnici sredstava moraju imati sjedište na području Federacije Bosne i Hercegovine, registrovani najkasnije do 31.12.2020. godine, te imati najmanje 1 (jednog) zaposlenog na neodređeno vrijeme.

Korisnici poticajnih grant sredstava Ministarstva u 2021. godini po projektima "Jačanje konkurentnosti MSP-a" i "Digitalna transformacija malih i srednjih preduzeća" ne mogu koristiti sredstva ovog projekta.

### 3.3. Naziv projekta: Poticaj novoosnovanim subjektima male privrede 970.000,00 KM Svrha projekta

Održavanje pozitivnog trenda poduzetničke aktivnosti s aspekta povećanja broja novoosnovanih subjekata male privrede. Kroz projekt će se realizovati subvencioniranje troškova nabavke opreme i repromaterijala, pružanje mentoring usluga.

#### Kriteriji za raspodjelu sredstava

Namjena ulaganja sredstava, vrsta djelatnosti, izvori - način finansiranja, broj zaposlenih, povećanje zaposlenosti, ravnomjerniji regionalni razvoj (stepen razvijenosti JLS), pripadnost ciljnoj skupini.

#### Kategorija korisnika sredstava

Subjekti male privrede definisani po Zakonu o poticanju razvoja male privrede i registrovani po Zakonu o privrednim društvima i Zakonu o obrtu i srodnim djelatnostima, koji imaju sjedište na području Federacije Bosne i Hercegovine, te imaju najmanje 1 (jednog) zaposlenog na neodređeno vrijeme, a registrovani su poslije 01.01.2021. godine.

Nisu prihvatljive prijave subjekata male privrede koji imaju registrovanu osnovnu djelatnost u oblasti namjenske industrije, proizvodnje i prerade duhana i igara na sreću.

### 3.4. Naziv projekta: Jačanje konkurentnosti MSP-a 2.740.000,00 KM Svrha projekta

Jačanje konkurentnosti i poticanje rasta inovativnih i izvozu usmjerenih MSP-a kroz tehnološku modernizaciju poslovnih procesa, uvođenje standarda kvalitete, cirkularne ekonomije i poboljšanje energijske efikasnosti u skladu s tranzicijom ka zelenoj i digitalnoj ekonomiji.

#### Kriteriji za raspodjelu sredstava

Kvaliteta projekta, izvori - način finansiranja, broj zaposlenih, pripadnost ciljnoj skupini, ravnomjerniji regionalni razvoj (stepen razvijenosti JLS), poticaji Ministarstva u posljednjih pet (5) godina, vrsta djelatnosti s aspekta stepena finalizacije proizvoda, povećanje zaposlenosti, namjena ulaganja sredstava.

#### Kategorija korisnika sredstava

Subjekti male privrede definisani po Zakonu o poticanju razvoja male privrede i registrovani po Zakonu o privrednim društvima i Zakonu o obrtu i srodnim djelatnostima u Federaciji Bosne i Hercegovine, koji imaju sjedište na području Federacije Bosne i Hercegovine, registrovani najkasnije do 31.12.2020. godine, koji su u sistemu PDV-a, imaju iskazano pozitivno poslovanje u 2021. godini, imaju najmanje 5 (pet) zaposlenih na neodređeno vrijeme, te će povećati zaposlenost minimalno za jednog radnika tokom realizacije projekata i koji će poštivati ekološke i socijalne standarde u skladu sa metodologijom Svjetske banke i domaćim zakonodavstvom koje reguliše oblast okolišnih i socijalnih pitanja i čija je osnovna djelatnost (ili djelatnost poslovnih jedinica ukoliko subjekt aplicira sa poslovnom jedinicom) iz "područja C - Prerađivačka industrija" Klasifikacije djelatnosti Bosne i Hercegovine - KD BiH 2010 ("Službeni glasnik BiH", broj 47/10) osim onih djelatnosti koje su navedene u narednoj tabeli.

Tabela: Šifre djelatnosti koje nemaju pravo učešća iz područja C - prerađivačka industrija

Oblast	Grana/Razred	Opis djelatnosti
C10	10.71	Proizvodnja kruha; svježih peciva i kolača
C11	11.01	Destiliranje, pročišćavanje i miješanje alkoholnih pića
	11.03	Proizvodnja jabukovače i ostalih voćnih vina
	11.04	Proizvodnja ostalih nedestiliranih fermentiranih pića
	11.06	Proizvodnja slada
C12		Proizvodnja duhanskih proizvoda



C13	13.1	Priprema i predenje tekstilnih vlakana
	13.2	Tkanje tekstila
C15	15.11	Štavljenje i obrada kože; dorada i bojenje krzna
C16	16.1	Piljenje i blanjanje drva (proizvodnja rezane grade); impregnacija drveta
C17	17.1	Proizvodnja celuloze, papira i kartona
C18		Štampanje i umnožavanje snimljenih zapisa
C19		Proizvodnja koksa i rafiniranih naftnih proizvoda
C20		Proizvodnja hemikalija i hemijskih proizvoda
C21		Proizvodnja osnovnih farmaceutskih proizvoda i farmaceutskih pripravaka
C23	23.5	Proizvodnja cementa, vapna i gipsa
	23.6	Proizvodnja proizvoda od betona, cementa i gipsa
C24		Proizvodnja baznih metala
C25	25.4	Proizvodnja oružja i streljiva
C30	30.3	Proizvodnja aviona i svemirskih letjelica te srodnih prevoznih sredstava i opreme
	30.4	Proizvodnja vojnih borbenih vozila
C33		Popravak i instaliranje strojeva i opreme

Izbor korisnika vršit će se isključivo na temelju šifre djelatnosti iz Obavijesti o razvrstavanju poslovnog subjekta prema djelatnosti koju izdaje Federalni zavod za statistiku.

Korisnici poticajnih grant sredstava Ministarstva u 2021. godini po projektima "Jačanje konkurentnosti MSP-a" i "Digitalna transformacija malih i srednjih preduzeća" ne mogu koristiti sredstva ovog projekta.

### 3.5. Naziv projekta: Pružanje mentoring usluga za subjekte male privrede 50.000,00 KM Svrha projekta

Podržavanje nesmetanog razvoja ili opstanka na tržištu i smanjenje broja neuspješnih subjekata male privrede u Federaciji Bosne i Hercegovine. Provođenje projekta će se vršiti kroz mentorske usluge subjektima male privrede, a pružat će ih stručne osobe - mentori, kroz određeni broj sati koje će provoditi u izravnom kontaktu s menadžmentom poslovnog subjekta.

#### Kriteriji za raspodjelu sredstava

Namjena ulaganja sredstava, vrsta djelatnosti, izvori - način finansiranja, povećanje zaposlenosti, broj zaposlenih, pripadnost ciljnoj skupini, ravnomjerniji regionalni razvoj (stepen razvijenosti JLS), poticaji Ministarstva u posljednjih pet (5) godina.

#### Kategorija korisnika sredstava

Subjekti male privrede definisani u projektima 3.2. "Poticaj za razvoj obrta i srodnih djelatnosti" i 3.3. "Poticaj novoosnovanim subjektima male privrede".

### 4. EKONOMSKI KOD 614500 - Subvencije privatnim preduzećima i poduzetnicima Regresiranje kamata - Garancijski fond 4.670.000,00 KM 4.1. Naziv projekta: Subvencije privatnim preduzećima i pod

Omogućavanje korisnicima koji su kreditno zaduženi po Kreditno-garantnom programu za mikro, mala i srednja preduzeća ("Službene novine Federacije Bosne i Hercegovine", broj 65/20) i Kreditno-garantnom programu za obrtnike i ostale samostalne privredne djelatnosti ("Službene novine Federacije Bosne i Hercegovine", broj 65/20), kao i za navedene kreditno-garantne programe koji su objavljeni u 2021. godini ("Službene novine Federacije BiH", broj 41/21), da dobiju grant sredstva na ime subvencionisanja dijela troškova kamate. Subvencionisati će se dio kamata na naprijed navedene kredite, na tromjesečnom nivou, u visini do 4,5%.

#### Kriteriji za raspodjelu sredstava

Pravo na regresiranje kamata imaju svi subjekti male privrede koji su korisnici kredita po kreditno-garantnim programima za mikro, mala i srednja preduzeća, kao i za obrtnike i ostale samostalne privredne djelatnosti, ("Službene novine



Federacije BiH", broj 65/20 i 41/21). Ministarstvo neće raspisivati javni poziv po ovom Programu, obzirom da će korisnici sredstava garancijskog fonda po automatizmu dobiti mogućnost korištenja sredstava za regresiranje kamata. Po ovom Programu, korisnici kredita stižu pravo na regresiranje kamata za I, II, III i IV kvartal 2022. godine, ukoliko su uredno izmirili dotadašnje obaveze po kreditu. Nakon što Razvojna banka Federacije Bosne i Hercegovine obezbijedi dokaz od komercijalne banke da je korisnik kredita uredno otplatio na kvartalnoj osnovi anuitete kredita (u skladu sa pravilima bankarskog poslovanja), izvršit će obračun iznosa kamate koji je predmet regresiranja, te u roku od 7 dana od dana zaprimanja dokaza od komercijalne banke o uredno otplaćenim ratama kredita za obračunsko razdoblje, dostaviti Ministarstvu obavijest o kvartalnom iznosu potrebnih novčanih sredstava za regresiranje kamata za svakog korisnika, sa potrebnim podacima o korisniku za uplatu novčanih sredstava na njegov račun. Ministarstvo će dati nalog Trezoru Federacije Bosne i Hercegovine za prenos sredstava na račun korisnika, u cilju refundiranja kamata, u roku od 7 dana od dana zaprimanja obavijesti.

#### Kategorija korisnika sredstava

Pravo na dodjelu grant sredstava po ovom programu ostvaruju subjekti male privrede koji su korisnici kredita po kreditno-garantnim programima za mikro, mala i srednja preduzeća, kao i za obrtnike i ostale samostalne privredne djelatnosti ("Službene novine Federacije BiH", broj 65/20 i 41/21).

Kvaliteta projekta, izvori - način finansiranja, broj uspo-stavljenih poduzetničkih zona u JLS; ravnomjerniji regionalni razvoj (stepen razvijenosti JLS), poticaji Ministarstva u zadnjih pet (5) godina.